

GRISCHUN

Contestà 75% dal paintg d'alp

La stad èn vegnids testads 20 paintgs dal Grischun e Glaruna – 18 da questas dad alps. Da quellas provas ha l'examinaziun mussà che 75 % na sajan betg en urden scriva l'Uffizi per la segirezza da virtualias dal chantun Grischun. In labor ha intercurà las provas da paintg sin la qualitat microbiologica e chemic-fisicala. Cun prender provas tant da l'alp sco er dals posts da vendita en las valladas vegn era valitada la chadaina da sfradentar.

Gronda sfida da lavurar schuber

Sin las alps vegnia lavurà cun simpels instruments, declera il chemicher chantunal *Matthias Beckmann* envers SRF. Perquai saja ina gronda sfida da lavurar schuber e pir en il labor vesian ins scherms che na tutgan betg en il paintg. Tals scherms sajan u directamain malsanadaivels ubain ch'els possian lavagar il paintg. Ils resultats na muntian dentant betg che tut ils products na sajan betg buns, relativescha *Matthias Beckmann*. Ils responsabels stoppian dentant dar dapli attenziun a l'igiena e la chadaina da sfradentar. (rtr/fmr)



Il comité d'organisaziun da la 31avla ediziun dals Dis da Litteratura a Domat cun Sara F. Hermann, Toni Vinzens, Carin Caduff e Laura Pfister (da san.). FOTO RTR

GRISCHUN

L'economia grischuna è pronta da spargnar energia

La gronda part dals manaschis grischuns è pronta da spargnar energia. Quai mussa ina retschertga actuala da l'organisaziun tetgalà da l'economia grischuna tar bun 360 manaschis. Spargnar vulan els cunzunt tar l'illuminaziun, il stgaudament ed apparats electrics.

Impurtant è per ils blers da producir dapli energia uschè svelt sco pussa per seguir il provediment. Senza avair pli gronds donns economics pudessan las fatschentas spargnar 10% fin 20% energia. Radund la mesedad prendess era part ad in program da cussegiazion per manaschis co spargnar energia sch'ina part dals custs vegniss surpigliada.

Ils pli gronds quittads a las interpresas fan ils auts pretschs da l'energia, la dumonda sch'i dat insumma avunda energia e las mesiras pussaiylas dal stadi. En cas d'ina mancanza d'energia duess il stadi be far propostas e betg decretar scumonds. Las interpresas sappian il meglier nua e co ch'i fa senn da spargnar, hai num en ina communicaziun. (rtr/fmr)

VISCHNANCAS CUN TSCHAINS D'AUA

Andy Kollegger è il nov president da la cuminanza d'interess



Andy Kollegger.

FOTO MAD

Andy Kollegger è il nov president da la cuminanza d'interess da las vischnancas concessiunaras grischunas. Il giurist è vegni elegì sco successur da *Not Carl* a la radunanza generala a Cuira.

La cuminanza d'interess sa basa sin las vischnancas che survegnan tschairs d'aua. Ensemen represchen-tan ellas lur interess en la politica e publicidad tras la cuminanza. Ils

delegads da las vischnancas concessiunaras èn sa radunads cun ils delegads e las delegadas da las vischnancas pitschnas grischunas. In dals temas principals: Co nizzegiar e bajegiar ora la forza solar en las regiuns alpinas. (rtr/fmr)

LA CIFRA DAL DI

42 606 interpresas

èn vegnidas fundadas l'onn 2019. Quai tradescha ina grafica d'infurmaziun da l'Uffizi federal da statistica. En cumparegliazion: L'onn 2020 registrescha la Svizra 600 421 interpresas da l'economia da martgà. (fmr/sab)

Quatter ivettas da la petta da Domat

Ils magliacudeschs e truschabustabs han puspè visità questa fin d'emna Domat. Là vegnan preschentadas durant ils Dis da litteratura mint'onn publicaziuns rumantschas. La FMR ha piclà ora quatter ivettas da l'ediziun da quest onn.

SANDRO BUCHLI/FMR

Per stgatschar il blues da november èn passa 350 visitaders vegnids questa fin d'emna a Domat en la Sala Tircal. Discussiuns animadas e preschentaziuns interessantas – tut en tut radund 20 puncts da program han procurà per buna atmosfera e blera inspiraziun litterara. Durant ils traïs dis èn sa preschentads sin il palc radund 50 auturas ed auturs, moderaturas, fotografias, musicistas, lingüists, edituras, redacturs e criticras da litteratura.

L'emprima ivetta:
In cumenzament da furora

L'emprim punct culminant dals Dis da Litteratura è stà l'autur bernais *Michael Febr*. Sias figuras litteraras èn per part scurrilas, per part tragicas e mussan conflicts umans che dattan da pensar. Cun sia vusch rauca e marcanta ha el prelegi ritmicamain sias istorias or dal cu-desch «Hotel der Zuversicht».

Cun sia vusch ferma ha *Chiara Jacomet*, ensem en *Momo Kawazoe* a la battaria, procurà per in vair terratrembel a Domat. Suenter ina duas chanzuns è il public stà si da las suttas ed ha cumenzà a sautat ed a sa mover tar ils suns e tuns da «ladunna».



La band «ladunna» ha rockà la buda Tircal a Domat.

La secunda ivetta: L'emprim è in Zürigais

Ch'ils texts e las preschentaziuns da *Gion Mathias Cavelti* èn in pau «schreg» – quai è bain enconuschent. Durant ina «séance da mesa-notg» la sonda saira ha el l'emprim preschentà al public ses agens trics e tracs «mentals» avant che surlaschar la tribuna a *Stephan Borer*, il mentalist per propri e da renum mundial. Quel ha cun sias forzas mentalas (u eri trics e tracs?) pudì engiavinar passaschas casualas da cedeschs u segns zodiacs dad aspectaturas ed aspectaturs. Gion Mathias Cavelti aveva era empermess da materialisar l'emprim uman rumantsch da l'istoria. E cura che quel spiert alv è lura propri cumpari da tschella vart da la sala, baterlava quel per surprisa da tuttas e da tuts in net e schuber «Züri-Tütsch» e betg rumantsch. Sechsliütte empèda Chalandamarz pia!

La terza ivetta:
Ediziuns scientificas ma tuttina popularas

Tranter crimi, poesias, romans e raquints curts meritan cunzunt era traïs ediziuns scientificas ina menziun – gist perquai ch'ellas èn era leva-main accessiblebas per in public pli vast. Per l'ina fissa quai l'ediziun da texts da Clementina Gilly (1852–1942), procurada dal professer da rumantsch a Turitg *Rico Valär*. Clementina Gilly

è damaï fitig cuntent cun la 31avla.

è l'emprima dunna rumantscha che ha pubbli-gà l'onn 1926 ina collezzion da poesias. Per l'auter èsi in bel fatg ch'i dat ussa finalmain in'antologia da texts surmirans (dapli sin pagina 8). Spectaculara è era l'expediun dal Lummerin *Gion Casper Collenberg* (1733–1792), il qual era viagià a sea temp sin l'insla Mauritius. L'ediziun da questa descripziun da viadi da *Michele Luigi Badilatti* ha impressiùn las preschentas ed ils preschents.

La quarta ivetta: Organisaturs cuntas

Tenor la comunicaziun a las medias han varga 350 personas visità l'ediziun da quest onn. Quai è bler, era en cumparegliazion cun ils ultims dus onns che èn stads «unfrendas» da las undas d'infeciun da corona. Il comité d'organisaziun è damai fitig cuntent cun la 31avla.

«La notg è populada da demunis, striuns e lufs, malspierts e nanins» ha ditg la moderatura *Anna Serarda Campell*. – Ma la notg novembrila da Domat è puspè era stada populada da Ladins e Sutsilvanas, Surmirans e Sursilvanas, personas da lingua tudestga u taliana ch'en vegnidas a Domat per commentar, discutar, criti-gtar, sunar e chantar.

Dapli dals Dis da litteratura datti sin www.rtr.ch



Gion Mathias Cavelti (san.) observa criticamain las abilitads dal mentalist Stephan Borer che mus-sa qua ina da sias furbarias vi da Maria Victoria Haas.



Michele Badilatti (amez) preschenta ensenem cun Claudio Spescha ed Erwin Caduff sia publicaziun dal Lumnezian *Gion Casper Collenberg* ch'è viagià a Mauritius.



La moderatura Anna Serarda Campell ha manà tras ils traïs dis dal festival.